

ইউজিসি বঙ্গবন্ধু শেখ মুজিব ফেলোশিপ নীতিমালা

(২৭.০২.২০২২ খ্রি. তারিখে অনুষ্ঠিত পূর্ণকমিশন ১৬১তম সভায় অনুমোদিত)

- ১। শিরোনাম : এই নীতিমালা ইউজিসি বঙ্গবন্ধু শেখ মুজিব ফেলোশিপ।
- ২। ভূমিকা : স্বাধীনতার অব্যবহিত পরেই বাংলাদেশকে একটি মেধাসম্পন্ন বিজ্ঞান-মনস্ক উন্নত জাতি হিসেবে তৈরি করার লক্ষ্যে জাতির পিতা বঙ্গবন্ধু শেখ মুজিবুর রহমান ১৯৭৩ সালে রাষ্ট্রপতির ১০ নম্বর আদেশ দ্বারা বাংলাদেশ বিশ্ববিদ্যালয় মঞ্জুরী কমিশন প্রতিষ্ঠা করেন যা ১৯৭২ সালের ১৬ই ডিসেম্বর থেকে কার্যকর হয়। শিক্ষাক্ষেত্রে বঙ্গবন্ধুর অনবদ্য অবদানকে চিরস্মরণীয় করে রাখতে বঙ্গবন্ধুর জন্মশতবাধিকর্ষিতে বিশ্ববিদ্যালয় মঞ্জুরী কমিশন তাঁর নামে ফেলোশিপ প্রবর্তন করার উদ্যোগ গ্রহণ করেছে;
- ৩। সংজ্ঞা : বিষয় বা প্রসঙ্গের পরিপন্থী না থাকিলে, এই নীতিমালায়-
- (ক) 'বাংলাদেশ বিশ্ববিদ্যালয় মঞ্জুরী কমিশন বা কমিশন' অর্থ University Grants Commission Order, 1973 (P.O. No. 10 of 1973) দ্বারা গঠিত বাংলাদেশ বিশ্ববিদ্যালয় মঞ্জুরী কমিশন;
- (খ) বঙ্গবন্ধু অর্থ বাংলাদেশ রাষ্ট্রের প্রতিষ্ঠাতা জাতির পিতা বঙ্গবন্ধু শেখ মুজিবুর রহমান;
- (গ) 'পূর্ণ কমিশন অর্থ University Grants Commission Order, 1973 (P.O. No. 10 of 1973); অনুযায়ী চেয়ারম্যান, পূর্ণকালীন সদস্য ও খণ্ডকালীন সদস্য দ্বারা গঠিত কমিশন;
- (ঘ) 'চেয়ারম্যান অর্থ বাংলাদেশ বিশ্ববিদ্যালয় মঞ্জুরী কমিশনের চেয়ারম্যান;
- (ঙ) 'সদস্যবৃন্দ' অর্থ বাংলাদেশ বিশ্ববিদ্যালয় মঞ্জুরী কমিশনের পূর্ণকালীন সদস্যবৃন্দ;
- (চ) 'সচিব' অর্থ বাংলাদেশ বিশ্ববিদ্যালয় মঞ্জুরী কমিশনের সচিব;
- (ছ) 'ফেলো' অর্থ এই নীতিমালার আওতায় নির্বাচিত গবেষক বিশ্ববিদ্যালয়সমূহের সকল পর্যায়ের শিক্ষক ও অবসরপ্রাপ্ত শিক্ষকগণ এবং বিভিন্ন শিক্ষা প্রতিষ্ঠান, গবেষণা প্রতিষ্ঠান/সংস্থার গবেষকগণ যাহারা নীতিমালা অনুযায়ী স্বেচ্ছায় স্বরচিত পাণ্ডুলিপি জমা দিতে আগ্রহী;
- (জ) 'ফেলো নির্বাচন কমিটি' অর্থ এ নীতিমালার আওতায় ফেলো নির্বাচনের জন্য গঠিত কমিটি;
- (ঝ) 'নীতিমালা' অর্থ ইউজিসি বঙ্গবন্ধু শেখ মুজিব ফেলোশিপ নীতিমালা।
- ৪। ফেলোশিপের নাম : ইউজিসি বঙ্গবন্ধু শেখ মুজিব ফেলোশিপ;
- ৫। উদ্দেশ্যাবলি : বঙ্গবন্ধু শেখ মুজিবুর রহমানের সুদীর্ঘ সংগ্রাম, নেতৃত্ব ও আত্মত্যাগ, রাজনৈতিক দর্শন, রাষ্ট্র পরিচালনায় তাঁর নীতি ও আদর্শ, বঙ্গবন্ধুর শিক্ষা ভাবনাসহ বাংলাদেশের সামগ্রিক বিষয়ে অধিকতর গবেষণা করা;
- ৬। মেয়াদ ও সময়কাল : (ক) ফেলোশিপের মেয়াদ হবে ১ (এক) বছর যা নবায়নযোগ্য নয়;
(খ) প্রতিবছর ১লা জুলাই থেকে ৩০ জুন সময়কাল হিসেবে বিবেচিত হবে;
- ৭। দরখাস্ত আহ্বান : কমপক্ষে ১টি বাংলা ও ১টি ইংরেজি বহুল প্রচারিত জাতীয় দৈনিক পত্রিকায় প্রকাশিত বিজ্ঞপ্তির মাধ্যমে দরখাস্ত আহ্বান করা হবে। একইসাথে ফেলোশিপের বিজ্ঞপ্তিটিকে সকল বিশ্ববিদ্যালয়ে বহুল প্রচারের জন্য প্রেরণসহ ইউজিসি ওয়েবসাইটে আপলোড করতে হবে;

- ৮। সাধারণ অধিক্ষেত্র : কলা ও মানবিক, বিজ্ঞান, শিক্ষা ও আইন, সামাজিক বিজ্ঞান, বিজ্ঞান ও প্রযুক্তি;
- ৯। যোগ্যতা : (ক) অধ্যাপক/ অবসরপ্রাপ্ত অধ্যাপক যাদের বয়স ৫৫-৭০ এর মধ্যে তাঁরা ইউজিসি বঙ্গবন্ধু শেখ মুজিব ফেলোশিপের জন্য আবেদন করতে পারবেন;
- (খ) চাকুরিরত প্রার্থীদের যথাযথ কর্তৃপক্ষের মাধ্যমে আবেদন করতে হবে;
- (গ) যারা বিদেশে কোনো গবেষণা প্রতিষ্ঠান/ বিশ্ববিদ্যালয় অধ্যাপনার সাথে যুক্ত আছেন তারা আবেদনের যোগ্য হবেন তবে তাদেরকে বাংলাদেশের কোনো পাবলিক বিশ্ববিদ্যালয়ের সাথে যুক্ত থেকে গবেষণা করতে হবে। গবেষণাকালীন কমপক্ষে ৪ মাস বাংলাদেশে অবস্থান করতে হবে;
- (ঘ) ফেলোশিপিটি হবে পূর্ণকালীন। নির্বাচিত ফেলো যদি চাকুরিরত থাকেন তবে তাকে অবশ্যই নিজ প্রতিষ্ঠান থেকে ছুটি নিয়ে ফেলোশিপে যোগদান করতে হবে;
- (ঙ) স্ব-স্ব ক্ষেত্রে বিগত ১৫ বছরে SCI/Scopus Indexed Journal ও সংশ্লিষ্ট বিষয়ে খ্যাতনামা জার্নালে-এ কমপক্ষে ১০টি প্রকাশনা থাকতে হবে তন্মধ্যে কমপক্ষে ০৫টির প্রধান লেখক হতে হবে;
- (চ) কোনো ফেলো একবারের বেশি ফেলোশিপ প্রাপ্য হবেন না;
- ১০। সম্মানী ও আনুষঙ্গিক সুবিধা : (ক) নির্বাচিত ফেলোকে মাসিক ১,২০,০০০/- (এক লক্ষ বিশ হাজার) টাকা হারে সম্মানী প্রদান করা হবে;
- (খ) বাড়ি ভাড়া বাবদ মাসিক ৬০,০০০/- (ষাট হাজার) টাকা হারে প্রদান করা হবে তবে চাকুরিরত ফেলো বাড়ি ভাড়া প্রাপ্য হবেন না;
- (গ) বই, জার্নাল, গবেষণা সামগ্রী, ফটোকপি, প্রিন্টিং ইত্যাদি বাবদ এককালীন সর্বোচ্চ ৫০,০০০/- (পঞ্চাশ হাজার) টাকা প্রদান করা হবে (বিল ভাউচার প্রদান সাপেক্ষে);
- (ঘ) সেমিনার/ওয়ার্কশপ ইত্যাদি আয়োজনের জন্য সর্বোচ্চ ১,০০,০০০/- (এক লক্ষ) টাকা প্রদান করা হবে। তবে এক্ষেত্রে বিল, ভাউচার ও প্রয়োজনীয় কাগজপত্র কমিশনে জমা দিতে হবে;
- (ঙ) লোকাল ট্রাভেল, কম্পোজ, প্রিন্টিং, বাধাই এবং আন্তর্জাতিক জার্নালে প্রবন্ধ প্রকাশ করার ফি ইত্যাদি বাবদ সর্বোচ্চ ১,০০,০০০/- (এক লক্ষ) টাকা প্রদান করা হবে (বিল ভাউচার প্রদান সাপেক্ষে);
- ১১। শর্তাবলি : (ক) কমিশনের নির্ধারিত ফর্মে আবেদন করতে হবে। অসম্পূর্ণ আবেদনপত্র বাতিল বলে গণ্য হবে;
- (খ) ফেলোকে কোনো বিশ্ববিদ্যালয়/স্বীকৃত গবেষণা প্রতিষ্ঠানের সাথে সংযুক্ত থেকে গবেষণা কর্ম সম্পাদন করতে হবে;
- (গ) একইসাথে একাধিক ফেলোশিপ গ্রহণ করা যাবে না;
- (ঘ) ফেলোশিপের জন্য নির্বাচিত হলে ফেলোশিপে যোগদানের পূর্বে একটি কর্ম-পরিকল্পনা কমিশনে জমা দিতে হবে;
- (ঙ) ফেলোকে অর্ধবার্ষিক প্রতিবেদন কমিশনে জমা দিতে হবে;
- (চ) ফেলোশিপ চলাকালে অন্যকোনো বেতনভোগী পূর্ণকালীন/খণ্ডকালীন/চুক্তিভিত্তিক চাকুরিতে নিয়োজিত হতে পারবেন না;
- (ছ) গবেষণাকর্ম সমাপনান্তে প্রকাশযোগ্য পাণ্ডুলিপি সফট কপিসহ জমা দিতে হবে। যদি পুস্তক আকারে প্রকাশ করার উপযোগী হয় কমিশন তা বিবেচনা করতে পারে;

- (জ) গবেষণাকর্মের সমাপ্ত প্রতিবেদন যদি পুস্তক আকারে প্রকাশ করা না হয় সেক্ষেত্রে কোনো সূনামধন্য জাতীয়/আন্তর্জাতিক মানসম্পন্ন জার্নালে প্রকাশ করতে হবে;
- (ঝ) গবেষণাকর্ম সম্পন্ন না করলে অথবা পরিত্যাগ করলে অথবা ফেলোশিপ বাতিল করা হলে ফেলো কর্তৃক গৃহীত সমুদয় অর্থ কমিশনের নিকট ফেরৎ প্রদান করতে হবে;
- (ঞ) শারীরিক অসুস্থতাজনিত কারণে/ মৃত্যুজনিত কারণে গবেষণার কাজ ব্যাহত হলে কমিশন কর্তৃপক্ষ এ ব্যাপারে প্রয়োজনীয় সিদ্ধান্ত গ্রহণ করতে পারবেন;
- (ট) প্রয়োজনীয় ক্ষেত্রে সেমিনার/ওয়ার্কশপ/পাবলিক লেকচার প্রদান করতে হবে;
- (ঠ) রাষ্ট্রবিরোধী কোনো কর্মকাণ্ড বা বক্তব্য প্রদান কিংবা কোনো লেখা প্রকাশ করা যাবে না;
- (ড) ফেলোশিপ চলাকালীন ১৫ (পনের) দিনের বেশি বিদেশে অবস্থান করার প্রয়োজন হলে কমিশন কর্তৃপক্ষের অনুমোদন নিতে হবে;

১২। ফেলো নির্বাচন কমিটি : ইউজিসি চেয়ারম্যান -----আহবায়ক
ইউজিসি পূর্ণকালীন সদস্যগণ-----সদস্য
দু'জন উপাচার্য (ইউজিসি চেয়ারম্যান কর্তৃক মনোনীত) -----সদস্য
দু'জন প্রতিযশা শিক্ষাবিদ (ইউজিসি চেয়ারম্যান কর্তৃক মনোনীত)-----সদস্য
রিসার্চ সাপোর্ট এন্ড পাবলিকেশন ডিভিশনের পরিচালক-----সদস্য সচিব;

১৩। ফেলো নির্বাচন কমিটির কার্য-পরিধি : (ক) কমিটি প্রাপ্ত আবেদন পত্রসমূহ যাচাই বাছাইপূর্বক একজনকে ফেলোশিপের জন্য নির্বাচিত করবেন এবং একজনকে অপেক্ষমান তালিকায় রাখতে পারবেন;
(খ) কমিটি যেকোনো আবেদনপত্র বাতিল করার ক্ষমতা সংরক্ষণ করেন;

১৪। বিবিধ : (ক) কমিশন প্রয়োজনে ফেলোশিপ প্রদানের নীতিমালা/শর্তাবলি সংযোজন-বিয়োজন, পরিবর্তন, পরিমার্জন করতে পারবে। সেক্ষেত্রে ফেলো পরিবর্তিত নীতিমালা মানতে বাধ্য থাকবেন;
(খ) প্রয়োজনীয়তার নিরিখে সাধারণ অধিক্ষেত্র হালনাগাদ করা যাবে;
(গ) কমিশন যেকোনো সময় ফেলোশিপ বাতিল করার ক্ষমতা সংরক্ষণ করেন;
(ঘ) এই ফেলোশিপের আওতাধীন সকল প্রকাশনার গ্রন্থস্বত্ব কমিশনের থাকবে

১৫। আদেশ জারির কার্যকারিতা : পূর্ণকমিশন সভার অনুমোদনের তারিখ হইতে এই নীতিমালা কার্যকর হইবে।

১৬। অস্পষ্টতা দূরীকরণ : এই নীতিমালার কোন অনুচ্ছেদের/বাক্যের/শব্দের ব্যাখ্যা বা অর্থ নির্ধারণের প্রয়োজন হলে কমিশন কর্তৃপক্ষের সিদ্ধান্তই চূড়ান্ত বলিয়া গণ্য হবে।

১
১৫-০৬-২০২২

মো. কামাল হোসেন
পরিচালক (রিসাপা)
বাংলাদেশ বিশ্ববিদ্যালয় মঞ্জুরী কমিশন

16/03/22

প্রফেসর ড. কাজী শহীদুল্লাহ
চেয়ারম্যান
বাংলাদেশ বিশ্ববিদ্যালয় মঞ্জুরী কমিশন